

Baibuli y'Abaana  
yaaza kukworeka

Ekiro  
ky'okuzooka  
kya Mukama  
waitu



Ekahandiikwa: Edward Hughes

Ebishushani bikateerwa: Janie Forest

Ekateekateekwa: Lyn Doerksen

Ekahindurwa: Z. Kabaza

Ekashohozibwa: Bible for Children  
[www.M1914.org](http://www.M1914.org)

©2013 Bible for Children, Inc.


Noobasa kukopoorora nari okuteera omu  
kyoma akatabo k'ebigambo ebi, kwonka  
torikwikirizibwa kukatunda.




Omukazi akeemerera  
aha bukiika  
bw'akagongo  
kaabaire  
kariho  
abantu ...




... barikuyogoorekana  
aine obusaasi  
ahabw'akagwe  
kaamugwereire.



Omutabani akaba  
naakaba. Manya  
akaba ari  
Mariamu, ...





... ayemereire  
haihi n'ahu  
baabambire  
Yesu aha  
musharaba.





Eki kikiruga hi?  
Kikiruga hi Yesu  
omuntu murungi  
atyo  
okwitwa  
kubi  
okurikwingana  
kutyo?






Kikarugiirira  
hi Ruhanga  
okwikiriza  
Omwana  
we

okubambwa  
aha musharaba  
akafeeraho?







Yesu aine eki  
yaashobize omu  
kwegambaho  
oku ari?  
Ruhanga  
akaremwa?





Ngaha! Ruhanga  
tararemire.  
Yesu akagabwa  
naamanya ku  
yaabaire naaza  
kwitwa abantu  
ababi.





Hoon  
n'obu yaabaire  
akiri omwereere,  
omugurusi Simeoni  
akagambira  
Mariamu ku  
aricumitwa  
obusaasi omu  
bunaku bw'omu  
maisho.



Ebiro  
bikye Yesu  
atakaitsirwe,  
omukazi omwe  
akaija yaashuka  
amajuta g'omugaju  
aha bigyere bye.



Abeegi be  
bakeetomboita  
nibagira bati:  
"Amajuta aga gaafa ki?"





nibateekateeka  
ngu akashiisha sente.  
Kwonka Yesu yaabagira ati: ...



... "Yaakora  
gye. Yaakikora  
ahabw'okunteekateekyera  
okuziikwa". Ebyo nibitangaaza.




Bwanyima y'ekyo,  
Yuda, omwe aha  
beegi ba Yesu  
eikumi na babiri,  
yaaza omu  
banyamurwa  
abakuru, ...





... yaaragaanisa  
kureebya Yesu,  
baamuha ebicweka  
by'efeeza makumi  
ashatu.





Aha kiro  
ky'Abayudaaya  
eky'Okuhingurwaho,  
Yesu akarya  
n'abeegi be  
ekiihuro  
eky'aha  
muheru.





Akabagambira ebintu  
birikutangaaza ahari  
Ruhanga, n'ebyo ebi  
yaaraganiise boona  
abamukunda. Atyo  
yaabaha omugaati  
n'ekikopo  
kubagana.







Ebi bikaba biri  
eby'okuguma  
nibibaijutsya ku  
omubiri gwe n'eshagama  
ye byahairweyo  
ahabw'okusaasirwa  
ebibi.



Atyo Yesu yaabagambira  
eby'okumureebya, kandi  
ku nabo baabaire nibaija  
kuhunga. Petero ati:  
"Tindihunga".



Yesu yaamugarukamu ati: "Enkoko etakagambire, noiya kuunyahakana kashatu."





Bwanyima, ekyo  
kiro, Yesu yaaza  
omu mwanya  
gurikwetwa  
Gesese maani  
kushaba. Abeegi  
abaabaire  
bari nawe  
baagwejegyera.





Yesu yaashaba  
ati: "Taata,  
onyiheho  
ekikopo eki.  
Kwonka kirekye  
kuba nk'oku  
ndikwenda,  
kureka iwe oku  
orikwenda."





Ahonaaho omutwe gw'abantu  
gwaija omuri ogwo mwanya,  
gwebembeirwe Yuda.  
Yesu tareerwaineho,  
kwonka we Petero  
yaatema omushaija  
omwe, yaamucwaho  
okutu; ...



... beitu Yesu we yaakora  
aha kutu kw'ogwo  
mushaija, yaamukiza;  
ahakuba akaba  
naamanya ku  
Ruhanga  
yaikiriize  
bamukwate.



Gutyo omutwe gw'abantu ogwo  
gwatwara Yesu  
ow'omunyamurwa  
omukuru.



Abeebembezi b'Abayudaaya  
baagira ngu Yesu  
ashemereire  
kufa.



Petero we akaba ari haihi,  
ayemereire n'abambari naayota  
omuriro, ngu  
areebe oku  
biraabe.




Kashatu abantu bakoomesereza  
Petero nibagira  
bati: "Obaire  
ori hamwe  
na Yesu"; ...



... kwonka Petero yaahakana egyo  
mirundi yonshatu, nk'oku  
Yesu yaabaire  
agambire.




Nangwa n'okukyeena, yaakyeena,  
kandi yaarahira.






**KOO-KOKO-RIIKO!**


Ahonaaho  
enkoko yaagamba.  
Petero yaamanya  
ku Ruhanga yaabaire  
naagamba nawe.  
Yaijuka ebigambo  
bya Yesu, yaarira  
munonga.






Yuda akeefuza eki  
yaakozire. Akaba  
naamanya ku Yesu  
yaabaire ataine  
rubanja rw'ekibi  
kyona, ...







... yaagarurira  
abanyamurwa ebicweka  
by'efeeza makumi  
ashatu, kwonka  
baayanga  
kubyakiira.





Atyo Yuda  
yaatambika  
ebicweka by'efeeza  
omuri hekalu, ...





... yaashohora,  
yaagyenda,  
yaayehanika.





Abanyamurwa  
bakatwara  
Yesu owa  
Pilaato,  
omutegyeki  
Omuruumi.





Ahanyima  
Pilaato  
yaabagira ati:  
"Tindikureeba  
rubanja aha  
mushaija ogu".







Kwonka omutwe  
gw'abantu gwagira  
guti: "Mubambe!  
Mubambe!"







Bwanyima Pilaato  
yaikiriza, yaacwera Yesu  
orubanja ngu ahanikwe aha  
musharaba. Abaserukare  
bakateera Yesu entomi  
baamucwera amacwante  
aha maisho,  
baamuteera.




Baaruka ekirunga  
ky'amahwa maraingwa  
baakiigatira aha mutwe  
gwe, baamubamba aha  
musharaba gw'ebiti  
ngu afeereho.



Obutoosha Yesu akaba naamanya ku  
arifa atyo. Kandi akaba naamanya  
ku okufa kwe kwabaire  
nikuza kureetera  
abasiisi  
abanimwesiga  
kusaasirwa.



Abambuzi babiri bakabambwa  
nawe, omwe aha rubaju rwa buryo,  
n'ondiiho aha rwa  
bumosho. Omwe  
aharibo akaikiriza  
Yesu, yaaza omuri  
Paradiiso.  
Ondiiho  
taraikiirize.



Ahanyima y'ashaaha  
z'okuhururwa  
n'okubonabona  
kwingi, Yesu  
yaagira ati

"Kyahwa!"  
yaakaba.



Atyo yaaheza  
omurimo gwe  
ogwamureetsire;  
banywani be  
baamuziika  
omu kituuru

ky'omwe  
aharibo.



Reero abaserukare  
baahamisa  
eibaare  
ryakingire  
ekituuro  
akamanyiso,

baakirinda.



Kuri okuziikwa kwabaire  
kuri omuheru  
gw'ebya Yesu,  
kikaabaire  
eky'obusaasi.





Beitu Ruhanga  
akakora ekintu  
kirikutangaaza.  
Yesu  
tarajundiire  
mu kituuru.



Kare butakaseesire  
aha kiro  
ky'okubanza  
omu  
Saabiiti, ...



... bamwe aha beegi ba  
Yesu bakashanga

eibaare  
eryabaire

rikingire

ekituuru

rihirweho.



Ku baaringuriize  
omu kituuro,  
baashanga  
Yesu atarimu.



Kwonka omukazi omwe  
akatsigara aha kituuru,  
naarira. Yesu  
yaamweyoreka; ...



... nawe yairukanga,  
yaagambira abandi  
beegi. "YESU  
AHURIIRE!  
AZOOKIRE!"



Omwanya mukye ku  
gwahingwireho, Yesu yaija  
yaahika abeegi be, yaabooreka  
enkojo z'omu biganja bye.  
Buzima, YESU AKAZOOKA!



Yaasaasira Petero  
ahabw'okumwehakana, yaabaragiira  
okugambira abantu boona ebi  
barikumumanyaho. Atyo  
yaagaruka omu iguru ei yaarugire  
atakazairwe mu nsi.





Ekiro ky'okuzooka kya Mukama waitu

Ebi bihirwe omu Kigambo kya  
Ruhanga, Baibuli

bishange omu

Matayo 26-28, Luka 22-24,  
Yohaana 13-21

"Ebigambo byawe ku bishuuruurwa bireeta  
omushana." Zaaburi 119:130



Omuhuru



Ebigambo by'omu Baibuli ebi nibitumanyisa  
Ruhanga waitu owaatuhangire, kandi  
naayenda tumumanye.

Ruhanga naamanya ku turi abasiisi, nitukora  
ebibi. Ebihembo by'ekibi n'okufa, kwonka  
Ruhanga naatukunda munonga, nikyo  
yaayohereze Omwana we, Yesu,  
kukufeera aha musharaba akafubirwa  
ahabwa ebibi byawe. Kwonka Yesu akazooka  
yaagaruka omu Iguru. Ku orikumwikiriza,  
waamushaba akusaasire, naija kukusaasira  
ebibi byawe. Naija omuriwe hati, naiwe  
nooba omuriwe.



Ku oraabe noikiriza  
eki, gambira Ruhanga oti:  
Ai Yesu, niinyikiriza ku ori Ruhanga, kandi  
ku waahindukire omuntu okafa ahabw'ebibi  
byangye, okazooka; hati ori ohuriire.  
Ninkushaba otaahe omu magara gangye  
onsaasire ebibi byangye ntungye amagara  
masya hati, bwanyima nyije ntuure naiwe  
ebiro byona. Nkwatsa ngume nkworobere  
kandi ntwaze gye nk'omwana  
waawe. Amiina.

Shoma Baibuli ogambe na Ruhanga buri  
izooba. Yohaana 3:16

